



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Seqvvntvr Decreta Synodalia Specialia, Ex mandato Reverendissimi & Illustrissimi Domini Episcopi Osnabrugensis, &c. Domini Francisci Gvilielmi, die VII mensis Octobris, anno MDCLIII, Osnabrgi, in ...

urn:nbn:de:hbz:466:1-14298

strissima Sua Celsitudine transmissa, (de quorum transmissione ipsamet Commissio mentionem fecit) paucis tamen Dominus Officialis Clerum de eorumdem observantia premonuit, & de consensu D.D. Deputatorum, publicanda porrexit.

Ad Decretum sextum generale de professione fidei, eam, simulque juramentum Pastorale emisit Leopoldus Dunvaldt, noviter institutus Pastor in Gesmilde. Incorruptum Pastoratum, ad Sanctum Vitum & in Glaen constitutendorum, reservatum fuit ad proximam Synodum, cum debite nondum praesentati, nec approbati fuerint. Declaratum præterea, vacare Pastoratum Latensem in Embalandia per liberam resignationem Parris Gabrielis Mannigholi, Conventualis S. Francisci. Præterea emisit juramentum consuetum P. Arnoldius

Langenberg, Ordinis S. Benedicti, Pastor in Iburg, & Lector Philosophia Monasterii Ibburgensis, quamquam noviter a Sua Celsitudine constitutus Decanus Christianitatis illius districtus.

Ad Decretum octavum generale, facta fuit commemoratione animarum, quondam Hermanni Wilagens, Decani Collegiatæ Ecclesie S. Alexandri in Wildeshausen; Corradi Rasirups, quondam Vicarii Cathedralis Ecclesie; item Davidis Bernings, Vicarii Collegiatæ Ecclesie S. Ioannis; hoc semestri pè defunctorum, commendata quoque fuit anima, non quidem naturaliter, sed civiliter defuncti, Hermanni Rosings, qui, in reprobum sensum datus, à fide & religione apostataavit; ut eam Deus ad gremium orthodoxæ Ecclesie reducere dignetur.

SEQVNTVR DECRETA SYNODALIA SPECIALEA,

Ex mandato Reverendissimi & Illustrissimi Domini Episcopi Osnabrugensis, &c. Domini FRANCISCI GVIELMI, die VIII mensis Octobris, anno M D C LIII, Osnabrigi, in Synodo Autumnali, publicata.

INGRESSVS DECRETORVM.

Quandoquidem in nupera Visitatione, per Diœcesin hanc nostram Osnabrugensem, hoc anno quinquagimo tertio, per Commissarios Nostro nomine facta, diversos adhucdum abusus ac defectus, nec non Statutorum Nostrorum Synodalium prævaricationes apud nonnullos, proh dolor, comperimus: hinc sequentia Decreta, ex sollicitudine Nostra Episcopali, denuo inculcanda duximus, & observanda, sub comminatione respectivè penarum & Ecclesiasticarum censurarum, etiam in inobedientes ferendam, scriò ac ultimò demandamus.

DECRETVM II.

In collatione Sacramenti Baptismi nemo plures quam duos Patrinos admittat; reliquos, ut testes, libro solummodo inscribat. Infantibus item nulla nomina, præterquam Sanctorum, in Embalandia præfertim, imponantur.

DECRETVM III.

SVbella, in templis noviter erigenda, ita exstruantur, ut in iis genu flecti possit; nec prospectum ad Altare summum impedian, aut lateralibus nimis vicina sint.

DECRETVM IV.

Vbi redditus fabricæ pro necessariis Ecclesie sumptibus non sufficiunt, bono modo, & cum præscitu Magistratus aut Communictatis loci, parochiani ad succurrentum permovantur: quod si restiterint, Nobis pro congruo remedio, deferantur.

DECRETVM V.

Festa & Abstinentiae per annum, tam in civitate quam ruri, accuratius juxta Calenda-

Nihil Sacramentum Baptismi, extra casum necessitatis sine licentia, in privatis ædibus administret, Matrimonio affixat, aut in Capella seu loco consecrato, vel ab Episcopo non benedicto aut conceesso, sine expressa Nostra, vel Vicarii Nostri in spiritualibus Generalis licentia, celebret.

Iendarium Nostrum Osnabrugense obseruentur; & Archidiaconi locorum in prævaricatores quoquaque serio animadvertant.

DECRETUM VI.

IN Processionibus ordo, in Agenda præscriptus, diligenter servetur, abrogatis omnibus vanis, ludicris, superstitionis, & maximè equitationibus cum Venerabili Sacramento, aliisque abusibus.

DECRETUM VII.

Decani rurales intra xiv dies Confis-
tio Nostro mittans numerum Synodorum, Ritualium seu Agendarum, Proprietatum Sanctorum, & librorum Missalium Diocesis Osnabrugensis, quos singuli Pastores, juxta Decretua in ultima Synodo defuper emanatum, remissis antiquioribus & abrogatis, sibi comparantur.

DECRETUM VIII.

Sedes confessionales, in omnibus Ecclesiis, in loco patenti erigantur.

DECRETUM IX.

Lampades & lumen perpetuum, ubi fieri potest, ante augustissimum Eucharistiae Sacramentum procuretur.

DECRETUM X.

Sacramentum Extremæ unctionis non, ut haec tenus à plurimis Pastorebus factum, posthac neglegatur, sed ejusdem usum denupro salute animarum introducere allaborent.

DECRETUM XI.

Catechismus, tories à Nobis inculcatus, & promovens fidei Catholicæ maximè necessarius, sub pena arbitria singulis diebus Dominicis, etiam si pauci tantum comparent, nunquam intermittatur.

DECRETUM XII.

SCholæ in omnibus locis Catholicis insti-
tuentur; & privatae in Burschapiis, Emb-
landiæ præsertim, quæ haec tenus irrepere, se-
vere prohibeantur; aut, ubi ob inundationes
aut locorum distantiam erigi debent, accura-
tius iidem per Pastores invigiletur; & ad
Nos referantur.

DECRETUM XIII.

Nemo Pastorum in Ecclesiis ac Synodis sine bireto, ac toga talari, sub pena duorum florenorum Rhenenium posthac compareat.

DECRETUM XIV.

Aedes in Cœmeteriis & Immunitate, collapsæ, non reædificentur.

DECRETUM XV.

Sanctissimum Eucharistiae Sacramentum de-
centius & augustinus in Sacrario, sufficien-
ter ad hoc exornato, asservetur.

DECRETUM XVI.

IN celebratione divinorum Officiorum, ma-
jorem quoque in ministris attentionem, de-
votionem, ædificationem, & frequentiam re-
quirimus; cum maledictioni divinae subjiciantur,
qui Officium Dei faciunt negligenter: uti
& majorem tarditatem in cantu; cuius melo-
diae dignitas, gravitas & splendor, ac devotio,
potissimum in tarditate & paufatione consi-
stit, eumque gratiorem & suaviorem reddit
audientibus.

DECRETUM XVII.

Cum, vigore Concilii Tridentini, & juxta
Cardinalium Declarationes, tanta sit
obligatio celebrandi vel præstanti Missas, in
fundatione & erectione beneficiorum imposi-
tas, ut in iis moderandis, reducendis vel com-
mutandis, solus Pontifex sibi potestatem re-
serverit; constet vero per experientiam, quam
plurimos beneficiorum possessores, in hac
Nostra civitate præfertim, quibus ex ipsa funda-
tione certarum Missarum, singulis septimanis
vel diebus præstandarum, onera incum-
bunt, minimè ea præstare, adeoque contra
fundatores, sese injūtios & crudeles exhiben-
do, gravissime peccent, ac simul in confiden-
tia ad restitutionem teneantur, nisi dispensa-
tionem obtinuerint, prout in nostris Synodis
sæpius declaravimus: hinc omnibus Vicariis,
Capellanis, & Beneficiatis, ceterisque hujus-
modi Missarum obligationibus gravatis, seve-
rissime mandamus, ut, salutis suæ magis me-
mores, numerum à fundatoribus imposito-
rum facrorum statutis diebus in posterum ce-
lebrent; in dubiis, ubi fundationes forsan
non extant, aut de fundatorum voluntate non
constat, ad Nos recurrant, ac remedia debita
exspectent.

DECRETVM XVIII.

INtolerabilem quoque abusum etiamnum continuari intelligimus, quod distributio-nes quotidianæ, quæ, vigore facrorum Cano-num & Concilii Tridentini, nec non receptæ consuetudinis, in omnibus Ecclesiis, solis præ-sentibus in choro distribui deberent, absenti-bus etiam, nec legitimè impeditis dentur. Vnde hinc duplex malitia consequitur; una, quod portio illa, quæ absentibus datur, præ-sentibus vel fabricæ Ecclesiaræ, quibus de jure competit, decedat; altera, quod taliter recipien-tes fructus non faciant suos, & taliter ob humanos favores conniventes & admittentes peccant, adeoque in conscientia singuli resti-tuere teneantur; cum illis solum absentibus præsentia debeantur, quos sacri Canones ex-cusant. Quod ne posthac fiat, severissime pro-hibemus; facillimumque huic malo remedium adhiberi poterit, si uti antehac fieri con-suevit præsentia illæ non uno tempore simul, sed per dies quibus cedunt, in Choro præsentibus distribuantur; quod facilius hisce temporibus pacis, quam præcedentibus bellicis, fiet. Ideoque in virtute sanctæ obedientiæ, poenisse arbitrii, omnibus & singulis Ecclesia-rum Diœcesis Nostræ Osnabrugensis Prælatis & Superioribus mandando præcipimus, uti, in his & similibus abusibus tollendis, se vigi-lantiores & diligentiores, quam antehac ab illis factum est, exhibeant, & provideant, ac congruis mediis, & debitis poenis Ecclesiasti-cis, sua jurisdictiōni subjectos inducant ac cogant, ut obligationibus suis juxta fundatio-nes beneficiorum suorum, tam in celebrando imposito Sacrorum numero, vel procurandâ deluper dispensatione, quam divinorum obse-quiorum majori frequentatione, & exclusione absentium, vel minus canonice impeditorum, à participatione quotidianarum distributio-num, aliiisque juxta uniuersitatemque fundationem rite obeundis & præstandis satisfaciant: scien-tes, quod si in his & similibus excessibus puniendis & corrigendis conniveant, dissimu-lent, vel nimis remissi fuerint, seipso horum peccatorum participes reddant, Deoque & Nobis strictam de his rationem sint reddituri.

DECRETUM XIX.

CVM aliqui ex Pastoribus ruralibus ita se intra limites Parochiarum suarum con-tineant, ut nullam vicinarum Acatholicarum, quoad Catholicos in illis commorantes, cu-ram habeant, quam tamen omnibus Pasto-ribus Nostræ Diœcesis antehac, juxta certam Parochiarum Acatholicarum distributionem à Nobis factam, ipsorum inspectioni demanda-vimus: idcirco Pastorales Nostræ obligatio-nis memores, iterum severe præcipimus ac mandamus, ut diligentiorem posthac curam & sollicitudinem, quoad vicinos Catholicos, in Parochiis Acatholicis degentes, juxta fa-ciat specificacionem gerant, illisque in Sa-cramentorum administratione, animarumque salute procuranda, & spiritualibus consola-tionibus, sedulo & fideliter, uti propriis suis Parochianis, adiungant; scientes, quod si fecus fecerint, divinae ultionis vindictam ac No-stram offensam se incursum.

DECRETUM XX.

Væ circa concubinatus vitium, neandum, prò dolor, plene apud nonnullos extir-patum, in anterioribus Synodis disposuimus, hoc loco repetimus & confirmamus; sedulo omnibus & singulis præcipientes, ut funditus, hoc turpissimum carnis vitium, & Dei Sacerdote indignissimum, eradicare allabo-rent, & haec tenus data scandala devitent.

DECRETUM XXI.

Commisarios Archidiaconorum præcep-tæ antehac in Synodis celebrandis fru-galitatis denuo commonemus; ne Parochias visitatas gravent, & exiles sæpe Ecclesiarum reditus abliguriant.

DECRETUM XXII.

CVM etiam summus Pontifex Conclusio-nes nonnullas hereticæ pravitatis non ita pridem damnarit; easdem, in hoc cœtu & loco Synodali, debite promulgari volumus, sicut & de facto promulgamus; ut sequitur:

Sm.

Smi IN CHRISTO PATRIS

ac D. N.

D. INNOCENTI,
DIVINA PROVIDENTIA
P A P Æ X,
C O N S T I T V T I O,

Qua declarantur & definiuntur quinque Proposi-
tiones in materia Fidei.

INNOCENTIVS
E P I S C O P V S,
Servus Servorum Dei.

*Vniuersis Christi fidelibus salutem, &
Apostolicam Benedictionem.*

GVm occasione Impressionis libri, cui Titulus, *Augustinus Cornelii Iansenii Episcopi Irenensis*, inter alias ejus opinio- nes orta fuerit, præsertim in Galliis controversia super quinque ex illis, complures Galliarum Episcopi apud Nos institerunt, ut easdem Propositiones Nobis oblatas expenderemus, ac de unaquaque eorum certam, & perspicuam ferremus sententiam.

Tenor vero prefatarum Propositionum est prout sequitur.

Prima: Aliqua Dei præcepta homi- nibus justis, volentibus & conanti- bus secundum præsentes quas habent vires, sunt impossibilia, deest quoque illis Gratia, qua possibilia fiant.

Secunda: Interiori Gratia in statu Naturæ lapsæ nunquam resistitur.

Tertia: Ad merendum, & demerendu m in statu Naturæ lapsæ non requiri-

tur in Homine libertas à necessitate, sed sufficit libertas à Coactione.

Quarta: Semipelagiani admittebant prævenientis Gratiae interioris necessi- tatem ad singulos actus, etiam ad ini- tium fidei, & in hoc erant Hæretici, quod vellent eam Gratiam talem esse, cui posset Humana voluntas resistere, vel obtemperare.

Quinta: Semipelagianum est dice- re, Christum pro omnibus omnino ho- minibus mortuum esse, aut sanguinem fudisse.

Nos, quibus inter multiplices curas, quæ animum nostrum assidue pulsant, illa in primis cordi est, ut Ecclesia Dei, Nobis ex Alto commissa, purgatis pra- varum Opinionum erroribus, tuto mi- litare, & tanquam Navis in tranquillo Mari, sedatis omnium tempestatum fluctibus ac procellis, secure navigare, & ad optatum salutis Portum pervenire possit;

Pro rei gravitate, coram aliquibus S. R. E. Cardinalibus, ad id specialiter saepius congregatis, à pluribus in Sacra Theologia Magistris, easdem Quinque Propositiones, ut supra, Nobis oblatas, fecimus singillatim diligenter examina- ri, eorumque suffragia, tum voce, tum scripto relata, mature consideravimus, eosdemque Magistros, variis coram No- bis actis Congregationibus, prolixe su- ij Ee 4 per

per eisdem, ac super earum qualibet differentes audivimus.

Cum autem ab initio hujuscemodi discussionis, ad Divinum implorandum Auxilium, multorum Christi fidelium preces, tum privatim, tum publice indixissimus, postmodum iteratis eisdem ferventius, ac per Nos sollicitè implorata Sancti Spiritus Assistantia, tandem, Divino Numine favente, ad infra scriptam devenimus Declarationem & Definitionem.

Primam prædictarum Propositionum: Aliqua Dei præcepta Hominibus Iustis volentibus, & conantibus, secundum præsentes, quas habent Vires, sunt impossibilia deest quoque illis gratia, qua possibilia fiant: Temerariam, Impiam, Blasphemam, Anathemate damnatam, & Hæreticam declaramus, &, uti talem, damnamus.

Secundam: Interiori Gratia in statu Naturæ lapsæ nunquam resistitur: Hæreticam declaramus, &, uti talem, damnamus.

Tertiam: Ad merendum & demerendum in statu Naturæ lapsæ, non requiritur in Homine libertas à necessitate, sed sufficit libertas à Coaftione: Hæreticam declaramus, &, uti talem, damnamus.

Quartam: Semipelagiani admittabant prævenientis Gratia Interioris necessitatem ad singulos actus, etiam ad initium Fidei, & in hoc erant Hæretici, quod vellent eam Gratiam talem esse, cui posset humana Voluntas resistere, vel obtemperare: Falsam & Hæreticam declaramus, &, uti talem, damnamus.

Hi. Datarius.

Quintam: Semipelagianum est dicere, Christum pro omnibus omnino hominibus mortuum esse, aut Sanguinem fundisse, Falsam, Temerariam, scandalosam, &, intellectam eo sensu, ut Christus pro salute dumtaxat Prædestinatorum mortuus sit: Impiam, Blasphemam, Contumeliosam, Divinæ Pietati Derogantem, & Hæreticam declaramus, &, uti talem, damnamus.

Mandamus igitur omnibus Christi fidelibus utriusque sexus, ne de dictis Propositionibus sentire, docere, prædicare aliter præsumant, quam in hac præsenti nostra Declaratione & Definitione continetur, sub censuris & poenis, contra Hæreticos, & eorum fautores, in jure expressis.

Præcipimus pariter omnibus Patriarchis, Archiepiscopis, Episcopis, aliisque locorum Ordinariis, nec non Hæreticæ pravitatis Inquisitoribus, ut Contradictores, & Rebelles quoscumque, per censuras & poenas prædictas, ceteraque juris & facti remedia opportuna, invocato etiam ad hoc (si opus fuerit) Auxilio Brachii Sæcularis, omnino coérceant & compescant.

Non intendentis tamen per hanc Declarationem & Definitionem, super prædictis Quinque Propositionibus factam, approbare ullatenus alias opiniones, quæ continentur in prædicto libro Cornelii Iansenii. Datum Romæ apud Sanctam Mariam Majorem, Anno Incarnationis Dominicæ millesimo sexcentesimo quinquagesimo tertio, pridie Kal. Iunii, Pontificatus Nostri Anno Nonno.

G. Gualterius. P. Ciampinus.

Anno à Nativitate D. N. Iesu Christi Millesimo sexcentesimo quinquagesimo tertio, Indictione sexta, Pontificatus Sanctissimi in Christo Patris & D. N. D. INNOCENTII Divina Providentia Papa X. Anno ejus Nonno, die vero nona mensis Iunii, supradicta constitutio affixa & publicata fuit in Ecclesia Lateranen. ac Basilica Principis Apostolorum de Vrbe, nec non Cancelleriae Apostolicae valvis, ac in acie Campi Flora per me Hieronymum Mascallem, Sanctissimi D. N. Papæ Cursorem.

Pro D. Mag. Cursorum P. Paulus Desiderius Cursor.

D E C R E

DECRETUM XXIII.

ET, ne quemquam vestrum Declaratio Cardinalium super interpretatione Bullæ Gregorii XV, quæ incipit, *Inscrutabili*, quam hoc anno ex Urbe Roma percepimus, latere possit; eandem simili modo promulgamus, ac ab omnibus, quorum interest, observari mandamus; ut sequitur.

EMINENTISSIMI ET R^{MI} DOMINI,
D. Franciscus Guilielmus, Episcopus Ratisbonensis, devotus Eminentiārum Vestrarum Orator, in Synodo diececsana Ratisbonensi pro felici gregis, curae suæ commissi, gubernio, inter diversas alias Constitutiones Apostolicas, Bullam fel. record. GREGORII XV, quæ incipit, *Inscrutabili*, publicari fecit. Cum autem ab aliquibus asseratur, Intentionem Conditoris fuisse, ut obligaret tantum in Italia, adeoque locum non habere in partibus ultramontanis, & non obligare Fratres Conventuales Ord. S. Francisci, quoad Sorores, Clarissas nuncupatas, & alias S. Francisci Religiosas; D. Franciscus Guilielmus supplicat Eminentissimis Vestris, quatenus, ad omnem controversiæ materiam tollendam, declarare dignentur, utrum dicta Constitutio obliget vel non in Germania, etiam Conventuales, quoad Clarissas, & alias S. Francisci Religiosas.

Die 27 Maii 1653, Sacra Congregatio Eminentissimorum Cardinalium, Concilii Trident. Interpretum, censuit, Constitutionem GREGORII XV, de Exemplorum privilegiis, locum habere in Germania, & ubique, tam respectu Ordinis S. Francisci, quam respectu quorumcunque aliorum Ordinum.

PETRVS ALOYSIVS CARDINALIS
CARAFA, PRÆFECTVS.

Locus Sigilli.

Gratis, etiam quoad Scripturam.

DECRETUM XXIV.

COronam clericalem, quæ à paucis Sa- cerdotibus hodiecum gestatur, singuli, juxta diversitatem Ordinum, majorem & minorem portent; ita tamen, ut corona Sacerdotalis Dalerum ad minus in figura circulari adæquet.

DECRETUM XXV.

QVandoquidem plurimi in Diœcesi hac Nostra, impedimentorum Matrimonii, tum dirimentium tum impeditum, ignari, sèpissime sibi invicem matrimonium promittunt, ac postmodum, re non amplius integra, ad Nos aut Officiatos Nostros pro salutari dispensationis remedio recurunt: hinc omnes ac singuli Pastores, suos subditos, gradus consanguinitatis & affinitatis, intra quos contrahere licet, pro concione edoceant.

CETERUM, licet corpore absentes sumus, in spiritu tamen charitatis & Episcopalis sollicitudinis vobis præsentes, omnes vos hortamur, & in Domino nostro Iesu Christo rogamus, ut, quemadmodum accepistis nunc, & antehac à nostris Predecessoribus, in via Divinorum mandatorum ita strenue ambuletis, ut abundetis, & magis placeatis Deo, cuius est haec & Nostra voluntas; eritque sanctificatio vestra; ut, cum, Deo volente, ad vos in pace reversi fuerimus, minus inveniamus quod corrigerem, emendare, vel punire debeamus. Quod sincere facientes, Nobis magnam occasionem & causam lætandi, ac pro Nobis in Domino gloriandi, dabitis; ac simul propriæ animarum vestiarum saluti prudenter & fructuose consuletis. Ceterum benedictionem nostram Episcopalem vobis impertinetes, &c. Dabamus in Residentia nostra Ratisbonæ; ac, in omnium fidem, manu nostra hisce subscripsimus, & sigillo nostro ad id consueto communiri ea fecimus.

Locus Sigilli.

FRANCISCVS GUILIELMVS.

His peractis, palam prælectæ fuerunt literæ Pastorales sequentes, quas Illustissima Sua Celsitudo Ratisbonæ ad Clerum suum Osnabrugensem transmiserat.

LITE-